

Henry Habibe di bishita cerca Ministro Plenipotenciario

ORANJESTAD (AAN): Informe di Den Haag ta indica cu Recientemente Ministro Plenipotenciario di Aruba na Hulanda, Sr. Edwin Abath a ricibi dr. Henry Habibe, poeta, critico y científico Arubano riba tereno di literatura, na Cas di Aruba.

Dr. Habibe a honra Ministro Abath cu un bishita di

cortesía, cual alavez a sirbi como un bon momento pa comparti algun pensamento relaciona cu e conservacion di nos idioma Papiamentu y reconocimiento di nos autornan Arubano. Ministro Abath, tabata masha encanta cu bishita di dr. Habibe, pasobra cu e tabata su maestro di Papiamentu na



Colegio Arubano y un figura importante cu a sabi di stimula e interes y lanta e consenshi di hopi hobennan mescos cu'ne, pa e desaroyonan socio-politico di

e tempo aya. Despues di e combersacion aki, dr. Habibe a haci entrega di dos tomo di su mihor obranan científico literario, esta "Honderd jaar ATARDI"

un resena di e obra poetico di Joseph Sickman Corsen "Atardi" y "De Spirituele Opgang van een Curacaose Dichter", un analisis profundo di e arte poetico di Luis H. Daal.